

UGOVOR
Br: 0602-2406-22/19
o nabavci usluga revizije seta finansijskih
izvještaja za 2019. godinu

UGOVORNE STRANE

UGOVORNI ORGAN: KJKP «POKOP» d.o.o. Sarajevo, Mula Mustafe Bašeskije 38, kojeg zastupa direktor Goran Cerić u daljem tekstu: Ugovorni organ)
ID broj: 4200119040004, porezni broj PDV: 200119040004

DOBAVLJAČ: BDO BH d.o.o. Sarajevo, Fra Anđela Zvizdovića 1 kojeg zastupa prokurist Merima Mujčić (u daljem tekstu: Dobavljač)
ID broj: 4202095420008, porezni broj PDV: 202095420008.

UVODNE ODREDBE

Član 1

Ugovorne strane sklapaju ovaj Ugovor na osnovu provedenog Konkurentskog zahtjeva za javnu nabavku usluga – Nabavka usluga revizije seta finansijskih izvještaja za 2019. godinu, objavljenog na Portalu javnih nabavki BiH, broj Obavještenja 775-7-2-126-3-30/19 objavljeno dana 24.06.2019.godine, Zapisnika o pregledu i ocjeni ponuda broj 0602-2406-14/19 od 09.07.2019. godine, prihvaćene ponude Dobavljača broj 0602-2406-12/19 od 09.07.2019. godine i Odluke o odabiru najpovoljnijeg Dobavljača broj 0602-2406-15/19 od 10.07.2019. godine.

PREDMET UGOVORA

Član 2.

Predmet Ugovora su usluge revizije seta finansijskih izvještaja za 2019. godinu i to prema zahtjevima Ugovornog organa za 2019. godinu i to da:

- provede predrevizijske radnje u oktobru mjesecu i da ugovornom organu pismeno podnese izvještaj o utvrđenom stanju, u mjesecu novembru/decembru 2019. godine,
- prisustvuje godišnjem popisu imovine i obaveza,
- dostavi Nacrt revizorskog izvještaja za 2019. godinu najkasnije do 15. februara 2020. godine
- dostavi konačan izvještaj o reviziji seta finansijskih izvještaja za 2019. godinu najkasnije do 20. februara 2020. godine.
- revizija će biti provedena u skladu s MSFI, MRS i Zakonom o računovodstvu i reviziji FBiH („SL.novine F BiH“ br: 83/09), koja uključuje ispitivanje, testiranje i prikupljanje dokaza koji potkrepljuju iznose i objave u finansijskim izvještajima, kao i ocjenu primjenjenih računovodstvenih načela i računovodstvenih politika, te zvaničnih procjena rukovodstva firme, izradu izvještaja nezavisnog revizora o realnosti i objektivnosti računovodstvenih iskaza o svim značajnim pitanjima položaja KJKP „POKOP“ d.o.o. Sarajevo, kao i rezultata poslovanja iskazanih u bilansu stanja i bilansu uspjeha.
- Izvjesne konsultantske usluge vezane za proces revizije.

UGOVORENA CIJENA

Član 3.

Ugovorena cijena za usluge iz člana 2. ovog Ugovora iznosi:

| | |
|---|-------------|
| Cijena usluga koja su predmet ovog Ugovora bez PDV-a iznosi | 8.000,00 KM |
| PDV na ponuđenu cijenu usluga iznosi | 1.360,00KM |
| Cijena usluga koja su predmet ovog Ugovora sa PDV-om iznosi | 9.360,00 KM |

Cijene za vrijeme trajanja ugovora ostaju ne promjenjene.

PLAĆANJE

Član 4.

Ugovorni organ će plaćanje cijene iz člana 3. ovog Ugovora, izabranom Dobavljaču plaćati u roku do 60 (šesdeset) dana nakon prijema uredno ispostavljene fakture za izvršenu uslugu, na transakcijski račun naznačen na fakturi. Dobavljač je dužan izdati/sačiniti fakturu u skladu s odredbama pozitivnih propisa, u suprotnom ista neće biti plaćena i bit će vraćena Dobavljaču na usklađivanje. Uslovi plaćanja i drugi uslovi koje Dobavljač jednostrano unese u fakturu ne obavezuje Ugovorni organ ni onda kada je fakturu primio, a nije joj prigovorio.

DINAMIKA REALIZACIJE REVIZIJE

Član 5.

Dobavljač se obavezuje da će usluge definisane članom 2. ovog Ugovora izvršiti prema definisanom Dinamičkom planu obavljanja revizije koja je prihvaćena od strane Ugovornog organa i sastavni je dio ovog Ugovora. Temeljnost revizije odnosi se na ukupni angažman : 10(deset) angažovanih ljudi , (106) stotinu šest radnih dana - odnosno pretvoreno u 8480 sati utrošenih na revizorske radnje. Mjesto izvršenja obaveza Dobavljača su poslovne prostorije Ugovornog organa, na adresi: Mula Mustafe Bašeskije 38,Sarajevo , Vlakovo bb, Sarajevo i Jukićeva bb, Sarajevo.

UGOVORNA KAZNA

Član 6.

U slučaju kašnjenja u izvršenju posla do kojeg je došlo krivicom odabranog ponuđača isti će platiti ugovornu kaznu u skladu sa Zakonom o obligacionim odnosima u iznosu od 1‰ naručene usluge za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti usluge koja je predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa. Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveza postane nemoguće zbog vanrednih vanjskih događaja na koje izabrani ponuđač nije mogao uticati niti ih predvidjeti.

OSNOVNE OBAVEZE DOBAVLJAČA

Član 7.

Pored obaveza predviđenih važećim propisima, Dobavljač je posebno dužan da usluge iz člana 2. ovog Ugovora izvrši stručno i kvalitetno, u svemu prema datoj Ponudi.

Član 8.

Dobavljač nije ovlašten da zaključuje podugovore sa drugim licima u cilju realizacije ugovornih obaveza bez prethodnog pismenog odobrenja Ugovornog organa.

OSNOVNE OBAVEZE UGOVORNOG ORGANA

Član 9.

Ugovorni organ se obavezuje da osigura sredstva za plaćanje, u skladu sa načinom plaćanja (definisanim članom 4. ovog Ugovora).

RASKID UGOVORA

Član 10.

Ugovorni organ ima pravo raskinuti ovaj Ugovor u slijedećim slučajevima:

- ako Dobavljač ne izvrši ugovorene obaveze iz ovog Ugovora u predviđenom roku, a koje nisu rezultat kašnjenja preuzetih obaveza Ugovornog organa
- ako Dobavljač ne izvrši usluge kvaliteta datog u Ponudi
- ako poslije djelovanja više sile nije moguće nastaviti realizaciju Ugovora

Ugovor može biti raskinut izjavom Ugovornog organa ili Dobavljača u pisanoj formi.

Izjava mora sadržavati razlog raskida Ugovora.

U slučaju raskida Ugovora ugovorene strane su saglasne da ni jedna strana drugoj neće dugovati nikakvo obeštećenje niti nadoknadu i da će u svemu izmiriti međusobne obaveze.

RJEŠAVANJE SPOROVA

Član 11.

Ugovorene strane su saglasne da će eventualne sporove rješavati međusobnim dogovaranjem, u skladu sa dobrim poslovnim običajima.

U slučaju da ugovorene strane ne postignu dogovor o spornim pitanjima, za rješenje spora nadležan je sud u Sarajevu.

ZAVRŠNE ODREDBE

Član 12.

Ugovorne strane su saglasne da sve što nije regulisano ovim Ugovorom primjenjuju se važeće odredbe Zakona o obligacionim odnosima.

Član 13.

Ovaj Ugovor stupa na snagu danom obostranog potpisivanja od strane ovlaštenih lica ugovornih strana i zaključuje se na period realizacije posla određenom u članu 5. ovog Ugovora do roka utvrđenih u članu 2. ovog Ugovora.

Član 14.

Ovaj Ugovor je sačinjen u 6 /šest/ istovjetnih primjeraka od kojih Ugovornom organu pripadaju 4 /četiri/ primjerka a ostala 2 /dva/ Dobavljaču.

UGOVORNI ORGAN
KJKP „POKOP“ d.o.o. Sarajevo

Izv. dir. Asmir Hodžić

Direktor, Goran Cerić



DOBAVLJAČ

BDO BH d.o.o. Sarajevo

IBDO

BDO BH d.o.o. Sarajevo
Sarajevo
Društvo za reviziju

Broj, 001-U/219/19
Sarajevo, 02.08.2019. god.

Broj, 0602-2406-22/19
Sarajevo, 01.08.2019. god.